

Otvoren proces javnih konsultacija o Odluci o imenovanju Žalbenog vijeća za rješavanje po žalbi na Odluku o odabiru najpovoljnijeg ponuđača za javnu nabavku konsultantske usluge „Nadzor nad izgradnjom međudržavnog mosta preko rijeke Save kod Gradiške“

Ministarstvo komunikacija i prometa Bosne i Hercegovine započinje proces javnih konsultacija o Odluci o imenovanju Žalbenog vijeća za rješavanje po žalbi na Odluku o odabiru najpovoljnijeg ponuđača za javnu nabavku konsultantske usluge „Nadzor nad izgradnjom međudržavnog mosta preko rijeke Save kod Gradiške“.

U skladu sa Pravilima za konsultacije u izradi pravnih propisa u institucijama Bosne i Hercegovine („Službeni glasnik BiH“, broj 5/17), proces javnih konsultacija je otvoren u periodu od 24. 4. do 10. 5. 2019. godine.

Pozivamo Vas da uzmete učešće u konsultacijama i svojim primjedbama, sugestijama i prijedlozima date doprinos izradi što kvalitetnijeg propisa.

U konsultacijama možete učestvovati putem internetske stranice dostupne na sljedećem linku: <https://ekonsultacije.gov.ba>.

Voditelj konsultacija je Nedim Ovčina: nedim.ovcina@mkt.gov.ba.

Za one koji prvi put učestvuju potrebno je izvršiti prijavu unutar sistema eKonsultacije, koji se nalazi na sljedećem linku: <https://ekonsultacije.gov.ba/account/login>.

Nakon prijave u sistem eKonsultacije, u padajućem meniju odaberite instituciju - Ministarstvo komunikacija i prometa Bosne i Hercegovine - kliknite stranicu „KONSULTACIJE“ i izvršite odabir predmetne odluke a potom kliknite na prozor „UČESTVUJ“, nakon čega će Vam se otvoriti mogućnost davanja pojedinačnih prijedloga ili komentara na Odluku.

Prijedlog

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06,76/07, 81/07, 94/07 i 24/08), a u vezi sa članom 2. stav (5), člana 4. tačka b) i 5. Sporazuma između Vijeća ministara Bosne i Hercegovine i Vlade Republike Hrvatske o izgradnji međudržavnog mosta preko rijeke Save kod Gradiške i priključnih graničnih dionica međudržavne ceste E-661 („Službeni glasnik BiH - Međunarodni ugovori“- broj 4/12), Vijeće ministara Bosne i Hercegovine na ___ sjednici, održanoj _____ 2019. godine, donijelo je

ODLUKU O IMENOVANJU ŽALBENOG VIJEĆA ZA RJEŠAVANJE PO ŽALBI NA ODLUKU O ODABIRU NAJPOVOLJNIJEG PONUĐAČA ZA JAVNU NABAVKU KONSULTANTSKE USLUGE „NADZOR NAD IZGRADNJOM MEĐUDRŽAVNOG MOSTA PREKO RIJEKE SAVE KOD GRADIŠKE“

Član 1. (Predmet Odluke)

Ovom odlukom imenuje se Žalbeno vijeće za rješavanje po žalbi na Odluku o odabiru najpovoljnijeg ponuđača za javnu nabavku konsultantske usluge „Nadzor nad izgradnjom međudržavnog mosta preko rijeke Save kod Gradiške“ (u daljnjem tekstu: Žalbeno vijeće), po Javnom pozivu za izražavanje interesa konsultantske usluge „Nadzor nad izvođenjem radova Most preko rijeke Save kod Gradiške“ objavljenom 23. 11. 2018. godine u Službenom glasniku Evropske unije, tri dnevne novine i internetskoj stranici Ministarstva komunikacija i prometa Bosne i Hercegovine.

Član 2. (Sastav Žalbenog vijeća)

(1) Žalbeno vijeće iz člana 1. ove odluke čine:

- a) Slavica Stanivuković, dipl. ing. građ.
- b) Mirza Resić, dipl. ecc, Međunarodni master javnih nabavki i
- c) Josip Jakovac, dipl. pravnik, Međunarodni master javnih nabavki

(2) Za sekretara Žalbenog vijeća imenuje se Tamara Šobota, dipl. pravnik.

Član 3. (Nadležnost Žalbenog vijeća)

Žalbeno vijeće nadležno je da rješava po žalbi na Odluku o odabiru najpovoljnijeg ponuđača za javnu nabavku iz člana 1. ove odluke.

Član 4. (Način odlučivanja i Poslovnik o radu Žalbenog vijeća)

- (1) Žalbeno vijeće odluke donosi većinom glasova.
- (2) Način rada Žalbenog vijeća uređuje se Poslovnikom o radu.

Član 5.
(Naknade za rad)

(1) Članovi i sekretar iz člana 2. ove odluke imaju pravo na novčanu naknadu za rad u Žalbenom vijeću, pod uvjetom da je Žalbeno vijeće odlučivalo o žalbi i žalbama na Odluku o odabiru najpovoljnijeg ponuđača za javnu nabavku konsultantske usluge „Nadzor nad izgradnjom međudržavnog mosta preko rijeke Save kod Gradiške“.

(2) Visina naknade utvrdit će se nakon odlučivanja po zaprimljenoj žalbi ili zaprimljenim žalbama posebnom odlukom Vijeća ministara Bosne i Hercegovine, uz primjenu ograničenja utvrđenih odredbama člana 39. st. (3) i (4) Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18).

Član 6.
(Stupanje na snagu)

Ova odluka stupa na snagu danom donošenja i objavljuje se u „Službenom glasniku BiH“.

VM broj _____/19
2019. godine
Sarajevo

Predsjedavajući
Vijeća ministara BiH

Dr. Denis Zvizdić

OBRAZLOŽENJE
ODLUKE
O IMENOVANJU ŽALBENOG VIJEĆA ZA RJEŠAVANJE PO ŽALBI NA ODLUKU
O ODABIRU NAJPOVOLJNIJEG PONUĐAČA ZA JAVNU NABAVKU
KONSULTANTSKE USLUGE „NADZOR NAD IZGRADNJOM MEĐUDRŽAVNOG
MOSTA PREKO RIJEKE SAVE KOD GRADIŠKE“

I - PRAVNI OSNOV

Pravni osnov za donošenje ove odluke sadržan je u članu 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) koji predviđa da Vijeće ministara Bosne i Hercegovine, u okviru poslova iz svoje nadležnosti, između ostalog, donosi i odluke.

Pravni osnov je sadržan i u članu 2. stav (5) Sporazuma između Vijeća ministara Bosne i Hercegovine i Vlade Republike Hrvatske o izgradnji međudržavnog mosta preko rijeke Save kod Gradiške i priključnih graničnih dionica međudržavne ceste E-661, kojim su se Ugovorne strane sporazumjele da će za izgradnju mosta i stručni nadzor/nadzor nad radovima biti raspisan međunarodni javni konkurs po međunarodnim pravilima iz područja nabavke ili po pravilima finansijskih institucija koje dijelom finansiraju izgradnju mosta.

Isto tako, članom 4. tačka b) Sporazuma propisano je da će postupak nabavke i ugovaranja usluge nadzora provesti bosanskohercegovačka strana, a članom 5. utvrđena je nadležnost Ministarstva komunikacija i prometa Bosne i Hercegovine za provođenje Sporazuma u ime Bosne i Hercegovine.

II - RAZLOZI ZA DONOŠENJE

Vijeće ministara Bosne i Hercegovine i Vlada Republike Hrvatske potpisali su u Sarajevu 3. novembra 2011. godine Sporazum o izgradnji međudržavnog mosta preko rijeke Save kod Gradiške i priključnih graničnih dionica međudržavne ceste E-661 koji je ratificiralo Predsjedništvo Bosne i Hercegovine i koji je objavljen u „Službenom glasniku BiH - Međunarodni ugovori“, broj 4/12.

Članom 3. Sporazuma propisano je da Ugovorne strane finansiraju u jednakim iznosima (po 50%) prema dinamici određenoj ugovorima ukupnu cijenu za izradu projektne dokumentacije, gradnju mosta, troškove stručnog nadzora/nadzor nad radovima i uređenje riječnog korita na području mosta, a članom 4. tačka b) propisano je da postupak nabavke i ugovaranja usluge nadzora nad izgradnjom mosta provodi bosanskohercegovačka strana.

Poziv za izražavanje interesa za učešćem u javnoj nabavci konsultantske usluge „Nadzor nad izgradnjom međudržavnog mosta preko rijeke Save kod Gradiške“ objavljen je 23. 11. 2018. godine u Službenom glasniku Evropske unije, na internetskoj stranici Ministarstva i u tri dnevne novine.

Ministarstvo je 30. 1. 2019. godine imenovalo Komisiju za provođenje postupka evaluacije ponuda za javnu nabavku konsultantskih usluga „Nadzor nad izgradnjom međudržavnog mosta preko rijeke Save kod Gradiške“, broj:02-04-29-10-280/19.

Komisija provodi postupak javne nabavke konsultantskih usluga u skladu sa Vodičem za javne nabavke Evropske investicione banke iz juna 2011. godine.

Aneksom 8. Vodiča propisano je da Ugovorni organ mora osigurati pravo na žalbu na Odluku o izboru najpovoljnijeg ponuđača te je s tim u vezi Ministarstvo komunikacija i prometa Bosne i Hercegovine pripremlilo Prijedlog odluke o imenovanju Žalbenog vijeća za rješavanje po žalbi na Odluku o odabiru najpovoljnijeg ponuđača za javnu nabavku konsultantske usluge „Nadzor nad izgradnjom međudržavnog mosta preko rijeke Save kod Gradiške“ te predlaže Vijeću ministara Bosne i Hercegovine razmatranje i usvajanje.

III - OBRAZLOŽENJE PREDLOŽENIH RJEŠENJA

Članom 1. Odluke propisano je imenovanje Žalbenog vijeća za rješavanje po žalbi na Odluku Ministarstva za odabir najpovoljnijeg ponuđača u postupku javne nabavke konsultantske usluge „Nadzor nad izgradnjom međudržavnog mosta preko rijeke Save kod Gradiške“.

Članom 2. Odluke propisan je sastav Žalbenog vijeća te imenovanje sekretara Žalbenog vijeća.

Članom 3. Odluke propisana je nadležnost Žalbenog vijeća za rješavanje po žalbi na Odluku Ministarstva iz člana 1. ove odluke.

Članom 4. stav (1) Odluke propisano je da Žalbena vijeće donosi odluke većinom glasova a stavom (2) propisano je da Žalbena vijeće donosi Poslovnik o radu.

Članom 5. propisano je da članovima i sekretaru Žalbenog vijeća pripada pravo na novčanu naknadu za rad u Žalbenom vijeću, pod uvjetom da je Žalbena vijeće odlučivalo o žalbi i žalbama na Odluku o odabiru najpovoljnijeg ponuđača za javnu nabavku konsultantske usluge „Nadzor nad izgradnjom međudržavnog mosta preko rijeke Save kod Gradiške“ a visina naknade utvrdit će se nakon odlučivanja po zaprimljenoj žalbi ili zaprimljenim žalbama posebnom odlukom Vijeća ministara Bosne i Hercegovine, uz primjenu ograničenja utvrđenih odredbama člana 39. st. (3) i (4) Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18).

Članom 6. propisano je stupanje na snagu i objava Odluke u „Službenom glasniku BiH“.

IV - FINANSIJSKA SREDSTVA

Za realiziranje ove odluke u vezi s naknadom za rad Žalbenog vijeća bit će potrebno izdvojiti novčana sredstva iz Budžeta Bosne i Hercegovine i međunarodnih obaveza Bosne i Hercegovine za 2019. godinu.

Visina naknade utvrdit će se nakon odlučivanja po zaprimljenoj žalbi ili zaprimljenim žalbama posebnom odlukom Vijeća ministara Bosne i Hercegovine, uz primjenu ograničenja utvrđenih odredbama člana 39. st. (3) i (4) Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18).